




洋学文庫
文庫8
D 283
7



文庫 8
D 288
7

中西紀事卷之二十

外洋助勦

江上蹇叟

咸豐十年九月英法俄三國先後換約約既成法之使臣囑囉者意在修好且欲收漁人之利於中國因於宴會間自誇其船礮之堅利謂大國如有所需聽從銷售若欲仿式製造亦肯派匠役前來教習演試又請於海口助中國勦賊所有該國停泊各口之船隻兵丁悉聽調遣准王大臣等先後奏聞

上不許也嗣俄人換約遂有助兵剿賊代運南漕之請十月十一日准軍機大臣密寄江浙督撫及漕運總督奉

上諭本年秋間英法兩國帶兵撲犯都城業經換約退兵俄羅斯使

中西紀事 卷二十



39- 7730

010190620048

臣伊格那替業幅亦即隨後換約該酋見恭親王等面稱髮逆在江南等處橫行請令中國官軍於陸路統重兵進剿該國撥兵三四百名在水路會擊必可得手又稱明年南漕運京恐沿途或有阻礙伊在上海時有味國商人及中國粵商情願領價采辦臺米洋米運京如令伊寄信上海領事官將來洋船沙船均可裝載用俄繭旗幟即保無虞等因中國剿賊運漕斷無借資外國之理惟恐江浙地方糜爛兵力不敷剿辦如借俄兵之力幫同辦理逆賊若能早平我之元氣亦可漸復但恐該國所貪在利藉口協同剿賊或格外再有要求不可不思患預防法郎西在京時亦有此請著曾國藩等公同悉心體察如利多害少尙可爲救急之方即日迅速奏明候旨定奪至代運南漕一節江浙地方淪陷明年能否辦理新漕尙無定議然漕糧爲天庾正供自不可缺該商所稱采辦一連津之說是否可行應如何安邑之理辦章程處並著曾國藩薛煥二士有齡酌量情形迅速具奏欽此嗣經各督撫奏覆有以爲借助西兵事屬可行者兩江督臣曾國藩也以爲有害無利必不可行者漕運總督袁甲三也江浙撫臣亦各有意見奉

旨將各摺片發交總理衙門妥議具奏旋於十二月准軍機密寄奉上諭恭親王奕訢等議曾國藩袁甲三薛煥瑞昌王有齡等各摺片稱江南官軍尙未能進剿金陵卽令洋船駛往非但不能收夾擊之效並恐與賊相持如薛煥所慮勾結生變尤宜預防該撫所擬令西兵由陸路進剿非獨經過地方驚擾卽支應一節諸多窒礙番性貪婪一經允許必至索請多端經費任其開銷地方被其蹂躪等語並

於英酋威安瑪來見與之談論終日該酋已吐實語謂剿賊本中國應辦之事若借助他人不占地方於彼何益非但俄法克復城池不肯讓出即英國得之亦不敢謂必不據爲已有因舉該洋人攻奪印度之事爲證借敵剿賊流弊滋多不可因目前之利而貽無窮之患惟此時初與換約拒絕過甚又恐敵性猜疑轉生叵測惟告以中國兵力足敷剿辦將來如有相資之日再當借助以示羈縻並設法牢籠誘以小利法人貪利最甚或籌款銷其鎗礮船隻使必有利可圖即可冀其暱就以爲我用倘上海洋人諄請助兵剿賊著曾國藩薛煥量爲獎勵續有英船駛入內地按照條例攔阻並著該大臣等就見在兵力設法攻剿逆賊毋再觀望至法人鎗礮既肯售賣并肯派匠役教習演造亦令曾國藩等酌量辦理即外洋師船現雖不暇添

製或仿洋船製造或將彼船撥用誘之以利以結其心而我得收實

濟其受雇助剿祇可令華洋兩商自行辦理

二語係硃筆點改

於大局或有

裨益仍卽在於通商稅內籌辦至代運一節由薛煥招商運津無論華洋一體販運無須與該洋人預行會商味性較醇與英法不同其應如何駕馭俾其感順以杜俄人市德於彼之心亦著曾國藩等妥爲辦理將此由六百里各諭令知之欽此於是助剿代運之議遂寢十一年夏總理衙門恭親王等奏剿賊亟宜乘時請購買外洋船礮以利軍行而維大局其略曰查粵逆起事以來蔓延七八省滋擾十數年推原其始由於道光年間沿海不靖其時散遣之潮勇從逆之漢奸窺見

國家兵力不足遂勾結煽惑乘間抵隙一發而不可驟制迨用兵既

久財用漸匱外國從而生心得步進步要求無已內憂外患其事不相屬而其害實相因臣等現辦理外國各事期於拔本塞源是以上年曾奏請

飭下曾國藩等購買外洋船礮並請

派大員訓練京兵無非爲自強之計不使受制於人然購買船礮之議曾國藩等是否辦理無從詢知而當此時事孔急未便再事因循自英法住京後臣等迭次接晤窺知各國心志不齊互相疑貳是以彼此牽制未敢逞志卽如俄羅斯侵占吉林等處邊界英法兩國均以爲非蓋其意恐俄國日益強大不獨爲中國之患卽伊等亦不能不暗爲之防是其猜忌之情可以想見臣等探聞英國本有與粵逆兩不相犯之約法國雖欲剿賊以夸其勇而爲英國之所制亦不敢

自主迨本年三月間巴夏生自長江來歷言賊情斷無成事之理而江楚各軍紀律嚴明惟餉項不足船礮不甚堅利恐難滅賊等語臣等自籠絡英法以來目前尙稱安靜似可睽而就我若乘此機會中外同心以滅賊爲志不難漸次掃盪惟大江上下游均有水師中間並無堵剿之船非獨無以斷賊接濟且恐由蘇常進剿則北路必受其衝是以上年曾國藩奏陳攻取蘇常金陵須有三支水師其一則由江北造船保裏下河以取金陵之說但造船必須設廠購料興工非年餘不成自不如火輪船剿辦更爲得力南省雖舊有二隻並非打仗之船且已有一隻敗壞臣等詢之嚇德據稱外洋火輪船大者每隻數十萬兩上可載數百人小者每隻數萬兩可載數十人船在內地不利行駛若用小火輪船十餘號益以精利鎗礮其費不過數

十萬至駕駛之法廣東上海等處多有能之者可雇內地人隨時學習用以入江必可奏效若內地人一時不能盡習亦可雇用外國人兩三名令其司舵司礮而中國雇用外國人英法亦不得攔阻如欲購買其價值先領一半俟購齊驗收後再行全給此等款項嚇德單稱征收洋藥正子稅外一經進口無論販至何處銷售再由各該地方官給與印票仿照牙行納帖之例每帖輸銀若干如辦理得宜除華洋各稅外歲可增銀數十萬可作為購買船礮之用臣等令其將船礮洋鎗價值分晰開單先行呈送如蒙

俞允擬將價值奏明後即請於上海廣東各關稅內先行籌款購買並給嚇德札文令其購買運到時交廣東江蘇各督撫雇內地人學習俟駕駛得法再入大江應請

飭下官文曾國藩等熟計遵行至法國哥士者來見亦稱現欲回國請給札令其購買船礮伊即稟請該國主代為購買俟將來稅項收有成數再行扣還等語臣等以英法事同一律未便意存軒輊如伊必欲請辦亦應仿照嚇德開明價值先給一半似於事亦無所損是

否有當伏乞訓示施行奉
旨發該督撫等悉心妥議期於必行不得畏難苟安欽此按此項船礮是否購齊如何布置均未見之施行而上年六月金陵之捷惟陝甘總督原帶水師楊岳斌酌留數營及江蘇巡撫李鴻章調派淮揚水師在於龍江關水西門一帶而此次攻城皆陸軍以全力制其死命不聞有小火輪船助剿之說是則以之滅賊既已失之於前以之禦敵亦難善乎其後蓋內地演習則曠日持久而未必能精外洋雇

募則通賊濟奸而尤爲可慮當向帥初攻金陵調派紅單艇船入江助剿十年之久迄無成功而傳其通賊受賄種種不法是無利而有害也壬寅撫事既定中國大吏亦請設船礮之局彼時五口通商中外輯睦若乘機商向外洋購買船礮不特可免異日粵匪入江之禍而其時洋艘皆停泊海口不悉內地虛實若得小火船數十號堵截內江則所謂師敵之長技以制敵者卽在於此今自長江通商外洋船隻無論大小靡不駕輕車而就熟路卽使中國仿其制作遷地能良又安能敵其夫人能爲之技哉若謂藉以籠絡外洋原奏內有失此不圖賊旣難逆料卽英法之籠絡亦則癡人說夢語也恐無以善其後之語

方薛大臣之撫蘇也駐節滬中危如累卵而蚍蜉蟻子之援遂有與洋商相依爲命之勢自借敵剿賊之議起因

密寄中有受雇助剿祇可令華洋兩商自行辦理之諭適是年之春髮逆大股竄逼滬防外洋各國以通商各口滬濱爲根本之地願效死力英商雖有與粵逆兩不相犯之約至此亦不得不謀以自衛於是英法等國會同官兵水陸夾剿又於上海城垣等處挖濠築堤內守外禦遂連敗賊匪於東西擺渡及高橋等處奏聞奉

上諭英法兩國自換和約後彼此均以誠信相孚此次上海幫同剿賊具見真心爲好克盡友邦之誼著傳旨嘉獎並嗣後如有外國協同助剿之處著薛煥隨時迅速具奏以彰中外和好同心協助之意欽此時美國人有華爾白齊文者自募常勝軍願助中國剿賊華爾爲正領隊白齊文副之駐守松江先是賊犯松江經華爾白齊文領洋鎗隊連敗賊於迎旗濱天馬山等處並據華爾等稟明上海道及

美國領事官願伍中國臣民更易中國服色由蘇撫奏聞奉

旨華爾著賞給四品頂戴花翎嗣滬中之役英法二國剿除浦東之賊於高橋華爾等率隊赴之首先冲入高橋賊壘被賊眾迎戰轟擊連環洋鎗白齊文身受鎗傷裹創力戰遂將賊壘一律掃盪奏聞奉旨白齊文賞給四品頂戴花翎自此英法美三國屢助中國剿辦蘇松太倉各路之匪迭著戰功並奉

旨權授中國總兵副將等官同治元年薛煥解蘇撫職奉旨李鴻章著以三品銜署理江蘇巡撫所有防剿各餉專恃滬城洋稅以資接濟於是各國經理稅務之商人及助剿之水師陸隊隨時傳

旨嘉獎而法國連年在蘇浙剿賊陣亡提督三人均奉

旨優卹前賞給該家屬貂皮銀兩二年克復無錫蘇州等處則英將

戈登戰功最著權授江南總兵官蘇門之役偽忠王帶兵先遁經城中偽職殺其爲首之偽王譚紹洸開城納款蘇撫入城梟其偽職八人而是時滬中月報言此等偽職係戈登與之說合許其投誠免死而深以蘇撫殺降爲失計亦未知其確否也美國自華爾中鎗因傷病故白齊文遂統全隊傳聞其索餉不遂投入偽忠潛至金陵續因偽侍竄擾江西同入撫建又由建昌竄入福建漳州之陷白齊文實有力焉昨見上海月報言官兵克復漳州白齊文踞城拒戰被官兵生擒解入大營報中亦深鄙其反覆無常棄順効逆實爲取死之由等語予謂上海之役係各洋人切膚之災噬臍之痛圖謀以自救者至於蘇浙一帶乃上海寧波二國出入之區故得以稍收其指臂之助若因此而謂西兵可借則其害將有不可勝言者即如白齊文係

美國人恭讀

廷寄謂其性較醇與英法不同飭令設法駕馭以生其感順之心今白逆初次助剿卽請易中國服色伍於臣民當奉

褒許賞給四品頂戴花翎其後以戰功屢著加至總兵銜與外洋之提督同等一旦狼子野心不可測度馴至於叛逆昭彰死而不悔者洋人好利故僞忠得以言甘幣重嚮之然則借敵剿賊之有害無利亦可知矣

庚申之冬予在督師今曾侯祁門幕府見江浙撫臣及漕臣先後咨到奏稿各有見督師命彙入洋務檔案中時予極以袁漕帥所論洞悉敵情嗣於次年正月奉到

廷寄則

聖明遠慮固已洞燭無遺第寄中於借剿利害覆奏不提一語蓋可否之見一經道破轉使外邦得以覘其虛實持我短長故特秘之附錄袁漕督甲三覆奏

奏爲遵

旨體察借敵剿賊有害无利謹就管見所及密摺覆奏仰祈

聖鑒事竊臣承准軍機大臣密寄咸豐十年十月十一日奉

上諭本年秋間英法兩國

云云欽此仰見

皇上撫敵剿賊

聖慮周詳而於利害相因

慮懷下問臣忝統師于自當以愚慮所及縷析上陳以備

聖明采擇查我軍剿賊向來水陸兼籌並非專恃陸路長江上下均

有水師本與旱隊互相策應如艇船紅單長龍舢板拖疊等船不下數百號所招廣楚各勇器械精良迭著戰功果能統帥得人妥爲駕馭不難得其死力非中國無水兵也亦非中國水兵不如外國也今該洋人請我軍由陸路進剿該國撥兵三四百名在水路會擊以每船數十人計之洋船不過數號而謂必可得手臣愚未敢遽信也且我軍現用廣楚各勇係內地民人尙有因糧餉不足延不起程並結黨肆搶情事矧外洋之人祇能將就牢籠而不能服我節制者乎此時協同勦賊卽謂自備口糧而我之隨時犒賞亦必不可少幸而戰勝則矜功要挾所求無厭豈能滿其所欲不幸而偶有小挫或船隻損壞或兵丁傷亡勒索賠償又將有詞可

藉誠如

聖諭該國所貪在利格外要求不可不思患預防也不但此也我軍水師廣勇居多該洋人之與我爲難亦多揆廣勇而來萬一私相勾結其禍更烈卽令杜其勾結而以桀驁不馴之徒兩相猜忌則爭端競起必至枝節橫生况洋人素習天主教本年六月卽有墨利加國借英人船隻駛赴金陵傳教之事經李若珠奏明在案髮逆之所以煽惑人心者亦藉天主教爲名與該洋人所習相同前次旣赴金陵難保無暗中串通情弊一旦奉命而來久居內地是不但引虎入室並且爲虎添翼恐此時招之使來他日不能麾之卽去也體察情形熟思審處非特利少而害多實覺有害而無利區區愚衷竊以爲必不可行惟求

皇上乾綱獨斷計出萬全與其悔之於後不如慎之於初也抑臣更

有請者洋人名爲就撫實則包藏禍心不惟我不能得其力其有利於我者該洋人亦必不肯爲我謀也卽如俄人上年請進火器一萬件彼時外間聞之均以爲兩國相爭斷未有肯以利器予人者該洋人必別有詭謀也繼果藉詞遷延逞其愚弄之計本年各番犯順安知非俄人之唆使耶且俄人向於內城設館人地最爲熟悉本年聞在天津議事者卽係前年住俄館之人都人尙能認識之該洋人距我甚近水陸兼通尤不可不加意嚴防也臣愚昧之見本應與曾國藩等公同體察會核具奏但相距較遠道路梗塞一函往復動經數旬且軍情機密設驛站稍有洩露所關匪細至交商買米借用俄味旂幟保護運津一節以現在敵情揣之其氣甚驕其心愈侈萬一發價之後事有變遷更恐無計可施都中需米甚殷臣於海運事宜未能深悉應如何設法轉輸確有把握之處曾國藩等自能遵

旨妥辦另候

聖裁所有借敵剿賊有害無利各緣由理合瀝情由六百里馳陳伏乞

聖鑒訓示臣無任戰栗屏營之至謹奏

士

江楚黜教

江上蹇叟

西人之入中國也藉傳教游歷各省則出自法郎西者蓋十之九自壬寅議撫通商越三年而法人在粵請弛華民傳教之禁部議允行具詳第二卷中己未天津議撫載入法約第十三款內然與在粵所請大略相同迨十年換約續增第六款內開華人無論軍民有傳習天主教會集講道建堂禮拜者地方官不得妄行查拏違者予以應得處分又將前謀害天主教時所充之天主堂學堂墳塋地方等件應賠還法國駐京公使轉給該處奉教之人並任法國傳教之士在各省租買地土建造自便等語查舊檔康熙雍正間因西洋傳教之

七

江楚黜教

江上蹇叟

西人之入中國也藉傳教游歷各省則出自法郎西者蓋十之九自壬寅議撫通商越三年而法人在粵請弛華民傳教之禁部議允行具詳第二卷中己未天津議撫載入法約第十三款內然與在粵所請大略相同迨十年換約續增第六款內開華人無論軍民有傳習天主教會集講道建堂禮拜者地方官不得妄行查拏違者予以應得處分又將前謀害天主教時所充之天主堂學堂墳塋地方等件應賠還法國駐京公使轉給該處奉教之人並任法國傳教之士在各省租買地土建造自便等語查舊檔康熙雍正間因西洋傳教之

風日熾大吏請申康熙八年直省開堂之禁奏請各省及粵東外府縣之天主教堂悉撤爲公廨歷經查辦在案法人所索賠還之地基蓋卽指此而中國傳教之奸民互相煽引滋擾無休江西撫州門外有法人在義冢之旁租賃民屋一區常以黑夜傳教亦不敢自立教堂名目其他如撫建袁瑞臨吉等處亦多似此惟吳城東菜園地方設有教堂多歷年所道光間新建知縣某援禁撤毀嗣又於望湖樓下改設一區咸豐五年水師統領今兵部侍郎彭玉麟復率兵勇毀之以其地爲龍王廟時天津新議未行法人及傳教之士不敢阻也京師換約之踰年法人請赴各省傳教由總理衙門給與執照有法士羅安當者來至江右丹泊九江遣其副方安之赴省向南昌府衙門呈遞照會約期晉省時江西巡撫毓科會商善後總局派委子及前署德化知縣張國經充接伴使前赴撫州門外晤方安之方固廣東南海縣人也據稱羅教士現已自滬起程帶有總理衙門咨文面見大府商請一切事件並據方安之稱省城內快子巷有法國新置二區以爲育嬰公會內養女嬰十餘人請入視之約以暮歸稟之大府諾焉時十一年十一月也踰月十八日羅安當至省由方安之先期照會請代通報爰暨張令會同南昌新建知縣約相見於公所羅行免冠禮遂同入城自撫軍以下皆按平行禮接待坐間面呈恭邸咨文一角則賠還吳城教堂事也時已歲暮法士請在城內育嬰公會過年撫軍許之初羅安當將至江撫傳詢相見儀注予因檢天津新議法約第四款內稱兩國官員辦公人等因公往來各隨名位高下准用平行之禮法國大憲與中國京內京外大憲公文往來俱用

照會法國二等官員與中國省中大憲公文往來用申陳中國大憲用劄行其兩國平等官員照相並之禮等語詳其文義所稱彼國大憲指全權公使而言中國京外大憲指京師之王大臣及外省督撫而言若所稱二等官員則彼國之總領事及正副領事以下也又檢英約內開該國正領事與中國道台同品副領事繙譯官與知府同品凡衙署相見會晤文移均用平行禮又英人在滬照復桂相援法國二等官員類推領事官既與道台同品總領事應與藩臬同品今統核二國之約必彼國有全權官銜者始得與京內之王大臣京外之督撫平行明矣查羅安當不過彼國一傳教之士本無官職可比例而據其前次來東稱海國總理江西傳教事務則與現在九江領事自稱總理江西通商事務者同九江領事既與九江監督同品來往文移悉用平行儀注則其行文撫憲須用申陳與道員行文撫憲之稱詳稱稟者同而其來往謁見亦當如司道見督撫之儀轅門外下輿由角門進督撫迎送如見司道儀今羅安當比照九江領事官例已屬優待謹摘錄條約繕具清摺呈送核行等因撫軍是之及羅至省二次東內忽增入代理全權大臣字樣予方請中丞駁回而中丞已傳諭升炮開中門如督撫相見之儀江西省紳民間而駭之羅廟巷即其舊天主堂地名出有識之者曰此二十餘年前潛匿廟巷中被前撫吳文節公驅逐出境者也又有識方安之者以為即江西之撫州人適羅安當攜其傳教告示請飭地方官張貼衆議洵洵踰年而難端作當法人之請領執照也分遣傳教之士游行各省將至楚楚南長沙湘潭一帶傳教之奸民相與夸耀其事以為吐氣揚眉復見天日楚

之紳士聞而惡之乃譏爲公檄議黜天主教有昇屋居住者火之有容留詭寄者執之有習其教者宗族不齒子弟永遠不准應試大略謂其藉宣講爲名裸淫婦女設女嬰之會采取紅丸其他種種奸惡描寫盡致流傳入江正羅安當持照赴省逗留不去時值試期將及江省巨紳大集於豫章書院則有告歸之翰林院檢討夏廷渠在籍之甘肅臬司劉于溥等將楚南公檄鳩費付梓一日夜刷印數萬張徧揭省城內外通衢法人聞之請詰主者會同治改元江撫內召受代者爲沈幼丹中丞葆楨未至則督糧李飯堂觀察桓文恭予也時方升任藩司護撫篆乃以五日京兆辭道中丞至赴愬不面往拜聞亡於是教士益失望而時值南昌郡試之期學使之按臨者亦及焉二月十七日子在郡署校閱日暈王霞軒太守必達南昌孫雪筠大令家鐸急走語子曰頃見外間揭帖期以明日午刻拆毀天主教堂倘激而生變非但地方官未便卽委員亦未便也子曰爲之奈何二人曰檢討主講豫章雖不預謀可以止之子曰檢討日飲無何杜門謝客惟兒子識其小阮數人請往覘之歸寓呼兒子策騎疾去甫出門而羅方之謀者至告曰嬰堂已被劫主人幸無恙今疾趨出撫州門矣然女嬰已失勢將及城外教堂不識能保全否也子乃偕張令亟趨郡署則兩首縣皆在焉遂同詣快子巷除育嬰會被毀外又拆從教之店屋民房數十間漏初下城門已扁歸告中丞中丞歎曰西人逞志於我久矣不虞吾民之藉手以報也雖然辦理不善之咎我輩自任之幸勿作緝捕論也爰據實入告自請嚴議而地方官及委員之接伴者皆不及於劾典

十八日再毀法國城外之舊天主堂又毀教士坐船一隻皆夜毀之也羅安當之逸而出也與方安之分道而走方至瑞州羅至撫州中途憩息於從教陳姓之宅是日予探得城內及城外散失之女嬰共二十餘人皆在南昌之在港與進賢接界蓋教士之謀者告之也予以語雪筠曰女嬰之在在港有乳婦領之將送至撫州該洋人育嬰會中然省中事起沿途皆以逐天主教爲名若女嬰被劫彼固何罪尤恐教士之有以藉口也雪筠乃選派妥役自在港截回逐名點驗連乳婦共二十七人以舟送入撫州果有南昌進賢兩界之居民以搜捕羅安當不得連劫陳姓數家羅逃入潯由潯至滬遂達總理衙門旋准恭邸函致中丞意欲仍照賠還完案中丞議以五千兩償其教堂嬰堂及酌貼從教被毀之房屋派委予至潯面議而羅安當聞委員將至避入上海由上海總領事控訴該國駐京公使來文內稱連年各處被虧及現在省城進賢兩處房屋器用經典等項共計估值七萬兩又欲索撫州門外之丁家山及九江西門外之琵琶亭空地以備該國教士隨時建造房屋教堂墳塋之用交羅安當承管由總理衙門咨照在案踰年羅安當方安之復乘舟赴省理論方泊滕王閣下見河干豎一大旗禁止法人入城隨有拋擊磚石飛中其舟始解纜下駛中丞派員前往諭以迅速赴潯由九江關督會商辦理其人始稍稍斂戢卒以二萬金議結完案又索九江城外琵琶亭空地若干畝卽美界外之餘址也法人在潯旣無貿易亦無領事而以傳教興波占立馬頭餘地故英美二國商人亦陰慕之謂其爲不商不賈之游民皆約中海歷二字啓之也

方教堂事之發也江省紳士以岬由揭貼公檄轉相號召遂爲拆毀者口實相與洵懼嗣聞江撫辦理此案不株連紳士不牽涉地方官乃由檢討夏廷渠呈送骨殖一包銅管一具血膏一合向江撫面稱骨殖起自該洋人教堂院中銅管係取睛所用血膏係嬰兒精髓合成中丞以其言多不經亦無根據發交南昌府縣查辦經南新二縣按蒸檢法檢驗該骨數具並無傷痕其銅管血膏似係外洋之物亦不識其所用因詳稱奉發各件在該紳等雖非確有所見而地方官實已先有所聞除骨殖業已驗明應毋庸議外其銅管血膏究係外洋所用無從辨認一經傳播便駭聽聞亦似非無因而起應將原件繳呈請卽咨照總理衙門轉向駐京法使查詰咨會來江以釋紳民疑團以敦中外和好等情由江撫咨行在案繼以此案仍照賠款議

結其事遂寢

楚中黜教之公檄旣行法人之傳教者與江西先後並至遂有湖南之長沙湘潭等縣起而攻之江西拆毀教堂在元年二月間而楚中湘潭之役亦以是時踰月有江西南豐編修吳嘉善者自楚中踉蹌歸過省中館於夏檢討之宅時檢討竹林方以江事爲憂聞編修自楚歸詢以楚事自言其僑寓在楚適教堂獄起波及從教數十家該編修因習西洋繪事傳其照鏡點水之術嬉戲以爲常一日突遇數數百人仡然而入謂其爲天主教徒將執之某欲辨不及毀垣而逃則寓中已劫擄一空矣檢討之姪某大令走告予予曰今士大夫之從天主教者豈少哉蓋某編修之託詞也大令曰請試之乃倩編修傳其繪法一日間傳寫數像鬚眉畢肖始信其言之不誣傳聞楚中

事發地方官被劾革職勒限嚴緝然邸抄不具惟是年三月初十日奉

上諭總理各國事務衙門奏請飭地方官於交涉教民事件迅速持平辦理一摺前據該衙門奏稱天主教原以勸人行善爲本是以降旨令地方官妥爲辦理茲據該衙門奏稱各省地方官於奉文後未盡認真妥辦等語著該督撫轉飭地方官照依此次所奏於交涉教民事件務須迅速持平辦理不得心存偏重以示一視同仁之意摺內所請各節均著依議行欽此按此奏正在江楚毀教之後疑卽該教士控懇入都由該國公使照會云云也踰年總理衙門照抄法國照會咨行江省見中間所敘皆江楚兩省之案又並索楚中賠款三萬兩其湘潭等縣革職勒緝亦同載照會中蓋同一公文而分咨江

楚者其後楚中如何議結未見明文若江省查辦此案中丞不激不隨方伯亦以楚事之嫌陽謝之而陰持之庶幾持平辦理者也

按法教之害人具見於魏默深海國圖志所載及黃岡吳德芝所記具詳第二卷中予閱楚南公檄謂其收養嬰兒爲采生拆割之用室女自幼入掌必過天癸之期始行遣嫁而紅丸被其攝取鍊入丹中可以恣淫慾資長生又言黑夜傳教所投婦女丸藥率皆春方能令女反求男故其術久而不洩聞有泄其術者令婦人帶歸試之立驗然皆無左證若江西紳士送到之銅管血膏尤涉曖昧而其揭帖中言毀堂之後放出女嬰皆目瞪口呆不省人事皆欲加之罪而文致之實無稽之妄語耳吾友孫雪筠截回會中二十七人逐名點驗其十歲內外者尙能述其里居姓氏且亦無一

事發地方官被劾革職勒限嚴緝然邸抄不具惟是年三月奉

上諭總理各國事務衙門奏請飭地方官於交涉教民事件平辦理一摺前據該衙門奏稱天主教原以勸人行善爲宗旨令地方官妥爲辦理茲據該衙門奏稱各省地方官於奉盡認真妥辦等語著該督撫轉飭地方官照依此次所奏民事事件務須迅速持平辦理不得心存偏重以示一視同仁內所請各節均著依議行欽此按此奏正在江楚毀教之後教士控懇入都由該國公使照會云云也踰年總理衙門照會咨行江省見中間所敘皆江楚兩省之案又前索楚萬兩其湘潭等縣革職勒緝亦同載照會中蓋同一公文楚者其後楚中如何議結未見明文若江省查辦此案中

隨方伯亦以楚事之嫌陽謝之而陰持之庶幾持平辦理按法教之害人具見於魏默深海國圖志所載及黃岡記具詳第二卷中予閱楚南公檄謂其收養嬰兒爲采入丹中可以恣淫慾資長生又言黑夜傳教所投婦女春方能令女反求男故其術久而不洩聞有泄其術者歸試之立驗然皆無左證若江西紳士送到之銅管血膏味而其揭帖中言毀堂之後放出女嬰皆目瞪口呆不省欲加之罪而文致之實無稽之妄語耳吾友孫雪筠截回十七人逐名點驗其十歲內外者尙能述其里居姓氏且

人訴稱教民害己不願入會者此可見矣惟予初在快子巷查得女嬰十三人皆自五六歲至十歲上下者詢以所養小兒及女嬰之在孩抱者則稱悉付乳婆帶回家中又詢此等女嬰從何而來則稱斷乳之後始送入堂詢以男嬰豈無斷乳而稍長者何以堂中不見一人該教士詞窮捏稱贖回或稱送入村塾中讀書皆支吾語也城外之舊天主堂予始查前無收養之嬰孩後聞自饒州帶來女嬰十餘人查驗與城內所收年紀大略相等則該教士所云斷乳之後送入堂中者語亦近似惟會中不收男嬰而收女嬰又男嬰之長成者不聞置有義學而女嬰之長成者必欲收入會中且快子巷收養女嬰僅十三人而查其照管之婦人已有四名且老少各半此中形跡種種可疑時該教士又向予稱瑞州高安有女嬰業已贖回後因擇配不遵教條遂致兩姓涉訟請代求大府迅飭瑞州府審結予不解其何意令其具呈代達內稱高安有育嬰會係交本地從教之胡姓掌管已歷多年十年前有高安吳姓茂才將女送入會中迨其長成前來取贖當議付會中乳哺資二十千文付過一半便將此女領回惟該會規矩凡女嬰被人贖回須在會立約載明此女長大仍憑教士作主指配從教之家不得於教外自行擇配今吳姓領回之女胡姓係會中首事欲爲指配該族教內之人而吳姓堅執已贖回應聽自行擇配兩姓口角遂互控入縣由縣入府現尙未結等語予固知此中曲直不辨自明請轉飭瑞州府持平斷結旋據府中傳集兩造供詞與該教士所呈略同惟吳姓堅執女已贖回應聽自行擇配且素不崇信天

主教不願與教內人爲婚胡姓不能難遂由府中斷結飭令吳姓補出十千文交胡姓收領胡姓代擇之配應毋庸議取具兩造遵依由該府詳請銷案詎教堂獄起方安之避入瑞州復唆胡姓翻控至今未結當該教士呈請之時予曾詰以收養之女應指配教內人則江省安得有從教相當之男女又安能以從教之故逼令遠適異域該教士笑曰江省何縣何鄉無我國教中人君固不知耶旋據瑞郡函稱胡姓呈送遠年卷宗該族皈依教法實始於明季然則該教之行由來已久一旦張瞻明目恃有奧援宜其禍之相尋而無已也

中西紀事卷之二十二

江上蹇叟

剿撫異同

成廟暮年深見承平日久文弛武玩禁烟之令稍以操切治之輒啓邊衅東南奸民轉相煽誘未易旦夕平也天津乞撫琦相中以先入之言上不忍生民塗炭始允其請迨舉事一不效輒簡授親臣宿將授鉞誓師惜將軍參贊意在羈縻以致齎糧得志鼓棹長驅江浙之間沿海騷動然其怯者漏刃破膽忠者免胄歸元而於國事終无濟也

上鞍飯拊髀未嘗不意在良將而閩臣疆吏未聞有協心規畫以仰稱

聖意者乃憤懣而允撫事之請論者徒見者伊兩相自稱受先帝密旨便宜行事不知

上見時事日艱於守土之官償軍之將靡不寬其銜轡示以優容即大行遺詔中亦引咎自責不欲諉過於臣下迨

今上登極始明正其罪告諭中外是則撫事之請乃

成廟不得已之苦衷而非其本意也琦相到粵在二十年冬大角沙角之役即在十二月中旬

上赫然震怒特授奕山爲靖逆將軍隆文楊芳爲參贊大臣計其時不但在虎門未失之先並琦相奏給香港之議亦未之見轉圜不爲不速至靖逆在安徽途次連奉六百里廷寄飭其一意進勦不可存一通商之見稍涉游移更不可因有繳還定海之事少加寬縱蓋是

時琦相方與義律說明以香港馬頭易回定海奏至之日

上恐其仍蹈撫事之故轍故復申以

訓諭並將琦相奏給香港一摺發交閱看飭令確切查明即使香港並非險要亦必設法趕緊收回斷不准給予該洋人貿易致滋後患等因此二十一年二月十四日

上諭也迨琦相奏洋人聞大兵將集意圖先事滋擾十七日又奉

上諭洋人妄肆鴟張現聞內地調兵四出窺伺朕早料其必有滋擾之事惟香港距內地尚有四百餘里倘能嚴密防堵該洋人亦只洋面游奕虛張聲勢他何能爲定海退去兵船諒必歸并香港恃衆負隅儘力抗拒若兵力單弱遽行進勦恐有疎失本日已降旨飭令阿精阿怡良等暫時協力防守俟大兵雲集再行攻勦著奕山等兼程

前進抵粵後與楊芳會合統領各省調到兵丁奮勇直前殲茲醜類
毋稍觀望琦善摺著抄給閱看欽此據此則是時
成廟主勦之見獨操乾斷萬无轉移靖逆過江西卽聞虎門失事果
勇到粵去虎門之役僅六日耳其時所調各省到粵之兵三千餘名
是以

上飭令將軍巡撫先事防守所可異者果勇到粵未嘗交兵與英人
一決勝負輒聽彌利堅呈請通商代爲具奏其時何不與各洋人說
明令先將烏涌兵船退出以試義律乞撫之誠否若彌利堅但以此
爲義律緩兵之計是伐謀也若果肯帶兵船與義律講論是伐交也
伐謀則攻其心伐交則斷其右臂不務爲此而樹援增敵之是慮是
病在腠理而爲禁方者欲以消散治之不已慎乎靖逆到粵震於果

勇先入之言固已不能無怯矣一旦兵臨城下余葆純持其柄而搖
之彌利堅因其勢而利導之六百萬之形成矣

上亦知痛勦之餘必无納賂之理惟念衅自燒烟起償其價值足以
暫息兵端不謂將軍等贏糧而資之以入浙也自此絕口不言撫事
浙東連陷三城更

簡任親臣益以西北勁旅思所以瀚雪之浙撫劉韻珂者多機警善
與時俯仰其自處也欲身與名之兩全見疆事日蹙且將實逼省會
亟規以自脫乃保奏伊相請遣赴浙營効力
上不許迨大兵敗績於慈谿更陳十可慮以嘗

上意復附片力薦之伊相者昔年以附和琦相和議被
嚴譴者也當其奉

欽差大臣之命前赴鎮海適琦相入粵議撫咨會到浙遂逗留不敢進兵又遣家人張喜來往洋船上牛酒餽問相望於道泊接得粵東繳還定海之札遂以收復奏聞

上以其不遵諭旨惟知順從琦善嚴旨切責卒與琦相先後被逮入都

上以其家人張喜事涉通敵奉

諭自天津解交刑部毋令中途與伊里布見面核其前後

上已洞悉其居心行事與琦善如出一轍業經奉

旨遣戍卽不令其終身廢棄亦斷不使之重赴海疆仍蹈前轍直待浙撫兩次瀆請始付杭州將軍耆英帶同往浙遂爲白門請撫之張本是則鑒前車而收桑榆

上之於勦固已至再至三沈審決策而出師無功討賊不效負乘致寇諸臣能無作焉至於不得已而權其策之下者固始願不及此卽其再起伊相亦因疆臣之固請不得已而許之非上之中悔而冀其收功於晚蓋也

浙撫劉韻珂受烏中丞之代初到浙省卽奏稱定海不可通商臚陳八弊持論甚正迨洋氛入浙東路告急大兵又敗於慈谿懼其實逼省會乃陳十可慮之說於前而附片薦伊相於後伊相到浙首退乍浦之兵亦中丞使之也時將軍等已奉

密旨相機籌辦而耆相蒞任杭州將軍何以不在浙省了此一局必待吳淞犯蘇圖山入江始踐前約甚矣中丞之居心巧而用計譎也按十可慮疏中卻不及一撫字然其末曰凡此十者皆屬必然之患

亦皆屬無可解之憂若不早爲籌畫則國家大事豈容屢誤現在將軍赴海甯州查看海口情形參贊大臣文蔚留住紹城調置前路防守事宜究竟此後應作何籌辦將軍等似亦尙无定見臣渥被生成若不將實在情形直陳於

聖主之前後日倘省垣不守臣粉身碎骨難蓋前愆伏乞

皇上俯念浙省事宜實在危急獨操

乾斷飭令將軍等隨機應變妥協辦理俾浙省危而復安即天下亦胥受其福臣不勝迫切待命之至夫曰獨操

乾斷非欲

皇上之速定撫議乎曰隨機應變非欲將軍等之暫事羈縻乎蓋恐省城一旦不保而厠身之無地也既倉皇而乏徙薪之策乃委曲以

求代枹之人其略曰臣前請將已革兩江總督伊里布改發浙江軍營効力贖罪未蒙

允准恩出自

上臣何敢復行瀆請惟念該革員之獲罪究屬因公且其按兵不戰究與僨事誤國者有別我

皇上愛惜人才凡中外獲咎臣工苟心迹可原咸荷棄瑕錄用或令戴罪立功不知凡幾如周天爵林則徐等亦皆令其及時自効仰見聖德如天不使諸臣終身廢棄之至意伊里布與周天爵等同係譴戍之人情罪似無二致且公忠體國並無邀功近名之心臣平生所見止此一人現在將軍等差委需員除隨帶司員之外又調取各省丞倅牧令來浙委用並令本省之舉貢生監查辦事件若老成謹慎

不貪功不圖利如伊里布者正可以備器使况該革員爲洋人所感戴卽其家人張喜亦爲洋人所傾服若令其來浙或洋人聞之不復內犯亦未可定可否仰懇

天恩將伊里布發至浙江軍營効力贖罪之處出自聖裁臣冒犯

宸嚴不勝戰栗如蒙

皇上鑒其無他伏望俯賜采納浙省幸甚海疆幸甚謹附片陳明奉硃批所奏不爲無見另有旨欽此時

上已授者英爲杭州將軍遂

賞給伊里布七品銜隨同赴浙旋奉

密諭本日據劉韻珂奏請將伊里布發至浙江軍營効力贖罪已有

旨令隨者英前往矣現在浙省剿辦旣難得手則防堵是第一要務萬不可再有疎失該將軍等惟當激厲衆心協力守禦不可因前此失利稍存畏葸致洋人乘機更肆猖獗者英此來已諭令與該將軍等相度機宜通籌大局臨時自必密商至防堵保衛是將軍參贊等專職倘有疎虞孟浪獲咎朕惟將軍等是問該將軍等接奉此次密諭惟有默識於心斷不可稍露風聲致令在事員弁兵丁羣相觀望貽誤事幾也將此密諭令知之欽此據此則

成廟不得已而主撫至此始露其端倪而伊相至浙適乍浦告陷之疾置聞中丞趣之至乍以解眉睫之禍伊相羈疏曾無遠慮而中丞用意深巧旣幸紓其目前之難又自惜其身後之名故不欲其成之於浙以貽天下後世口實遂嫁禍於伊相以始終之白門城下之盟

中丞置身局外更貽三帥書極陳後患反覆千言至於萬全無良策則曰當今之勢戰亦敗和亦敗又曰大局既壞攻補兩難嗚呼此以疆事爲首鼠也其謂洋人感戴傾服者不過修好於義律及遣員護送餘姚被擒之洋婦並張喜在鎮海定海間數來往洋船犒問此皆江浙士民傳之新聞紙中以相訕笑者而以之汙穢剝章欺瞞天聽其咎豈但失言而已哉至鹿澤長舒恭受等來往洋船預通撫事消息乃迭次保奏謂其能折衝於口舌是則中丞之力持撫議雖百口不能辯予故摘錄其前後奏詞以見非鄙人鍛鍊之深文且以明非

廟算中樞之本指欺

君昧良未可盡咎之者伊二相也

壬寅之冬洋艘旣退一時在廷諸臣封章連上有謂竭千萬氓庶之脂膏保一二庸臣之軀命者

上念誓師命將屢出無功戰旣無人和乃失策始追論前事降

旨令沿海督撫將一切敗將逃官詳查確核交部治罪於是先取辱國之靖逆將軍奕山揚威將軍奕經參贊大臣文蔚兩江總督牛鑑松江提督余步雲先後就逮入都交部臣按律問擬斬監候秋後處決余步雲先經裕帥家人控於都察院奏聞

上以其情節最重於是年十二月二十四日奉

旨正法奕經圈禁未久旋

授葉爾羌辦大臣又用文蔚爲古城領隊大臣而琦相方自葉爾羌大臣升授熱河都統於是江南道監察御史陳慶鏞參奏謂洋人

之敢於猖獗沿海兵丁之敢於逃竄馴至今日海鳥羣飛鯨鯢跋浪
爲所欲爲莫敢誰何者實由琦善於外洋入擾之始首先示弱以惰
我軍心助彼毒醱今海內糜爛至於此極卽罷斥琦善終身不齒猶
恐不足厭民心而作士氣何況繫帶再加脫俘囚而薰沐之乎奕經
夜郎自大深居閩中頓兵半載曾未身列行間一朝逞其虛矯之氣
志盈意滿期於一鼓而復三城卒之幾又不密貽笑敵人覆軍折將
一敗不支此則科其騷擾供億招搖納賄之罪罪已不勝誅矣臣亦
知奕經爲

高宗純皇帝之後裔

皇上親服推念同氣不忍遽加顯戮竊意卽倖邀國典亦宜圈禁終
身消除册檔無以貽

天潢宗室之羞豈料圈禁未及三日輒復棄瑕錄用且此數人者
皇上特未知其見惡於民之深耳倘其俯采輿論誰不切齒於琦善
而以爲罪魁誰不疾首於奕經奕山牛鑑文蔚而以爲投畀之不容
維直道未泯公論可畏非臣一人之私言也按該御史奏中所抉摘
皆親臣貴臣能言人所不敢言者然亦以此爲妨臣所忌不得久居
其職云

方琦相之入粵議撫也穆相有力焉是時穆相主滿首揆之席東吳
潘相國爲漢首揆皆直機務東吳資望素重而枚卜已在垂暮之年
凡軍國大事皆穆相主之軍機入直內廷其在

上前多造膝語故穆相之主持撫事中外莫得其詳靖逆粵中奏至
時王定九相國鼎方自東河查勘回聞撫議伏青蒲痛哭爭之不能

得相國以憂死聞其病劇召閣下至臥榻前伏枕流涕授遺摺數千言力排和議卒爲枋臣所尼不得上白門之請撫也祁尙書雋繼方奉

命入直機務尙書於軍機爲後進不敢自樹異同迨見撫事之亟穆相力贊其成東吳緘默無一語乃持正力爭之

成廟心知其忠不能用蓋度三帥之不能戰也時事日艱

上雅不欲持可否迨三十年

龍馭上賓

今上嗣位其年夏六月英人以火輪船由海道駛赴天津直隸總督遣人詢其所自來則以弔喪對奏聞

上重召穆者二相入見二相以請助執紼出自外洋修好之忱意在許之而未敢訟言

上知洋情叵測一旦假以色詞必有覬覦非望之求與其卻之於後不如拒之於前爰

命直隸總督遣放回洋而洋人亦唯唯如命遂自天津起旋去

上見洋人恭順始悟昔年之逞志邊疆實自內外臣工未戰而先示之以怯若今日呈請弔

喪因其名正而許之豈有

龍輶鼓塗於大禁而令異言異服之人苴茅耐獻於其下卽肉袒勞面

在天之靈其恫之矣洋艘旣退

上乃頒示謄黃爲候官雪冤而首罪穆相謂其傾排異已深堪痛恨

遂並者相罷之於是勦撫之功非是非千秋論定而枋政之臣欲以掩天下後世之耳目不可得矣

附錄殷兆鏞請罷天津撫議原奏咸豐八年

爲和議貽禍至烈伏求

博采讜論力黜邪謀早決大計轉危爲安事竊自洋人犯順無識庸臣但求速和了事國家苟安一日彼卽爲一日之親王宰相而社稷隱憂不遑復顧琦善者英伊里布等旣誤之於前致貽今日天津之患今之執政者復誤之於後其貽禍更有甚焉者矣近聞和議垂成爲賠償兵資等欸以堂堂大一統之中國爲數千洋人所制輸地輸銀惟命是聽而禍之尤烈者莫若京城設館內江通商各省傳教三條聞者椎心雖婦孺咸知不可臣意桂良花沙納

身爲

大清臣子稍有天良必不忍嘗試入奏

聖上燭照如神卽使嘗試入奏必不至墮其奸計也古語云毋滋他族實徧處此宋太祖云臥榻之旁豈容他人鼾睡京師重地外洋朝貢猶且禁其出入防其交接禮畢迨返毋許逗留安有強敵世仇而聽其置館雜居齊齒胡越橫行輦轂布滿街衢自古及今實所未聞近惟琉球國都英人盤踞滋擾甚至闖入王宮莫敢攔阻此其患無俟臣縷述也長江自吳淞蜀中貫天下之半與海口情形不同海口通商已爲失計然譬之於人身猶四肢癱瘓之疾也內江華洋雜處則疾中心腹矣東南漕運非海卽河大江爲出入所必經設一旦江南並梗何由而達仕宦商賈之往來章疏文報

之馳遞海非要道江實通衢洋人俱以數船橫截江路則南北將成兩界維揚漢口 饑網疲敝梟販競作再得洋人爲逋逃主鹽利必盡歸洋人所有而官鹽將廢不但此也所佔口岸愈多聲勢愈大與漢民交接事件愈煩弊端亦易於起地方官袒洋人則民拂袒民則洋人拂彼視虜一總督宰相如縛犬豕其包藏禍心無所不至辟猶養虎在曠養盜在家隨時可以猝發此議若成大事便去欲求爲東晉南宋之偏安豈可得哉至於傳教一節臣不知其所謂天主者何人大率惑世誣民隱蓄異志不然彼國尊主自行其教可耳何必游歷各省僕僕不憚煩苦若是近日之長髮賊亦奉天主教者也其煽惑勾結已可槩見矣彼知輿地廣輪之數山川阻塞之形兵衛之強弱壤土之肥瘠到處交結豪俠賑恤貧窮

爲收拾人心計該洋人蠶食海外小國皆用此法有明徵也謀

國者曰通商傳教此時姑先許之候各省軍務完竣然後舉行夫民困於鋒鏑久矣賊燄雖熾人心未渙猶冀重享 昇平若去一寇復招一寇天下何望將士民孰不解體或曰屆時徐議所以拒之臣恐積弱之餘萬難發憤現值兵臨城下大臣猶曰釁不可自我開相率覲顏忍恥况許於前而拒於後則直在彼而曲在我誰肯爲

國家出力耶或恃有要約不待賊平遽入內地布置周密與長髮賊隱爲犄角否則擊賊自効別有要求否則奪賊之城邑而有之以爲非取諸我種種棘手謀

國者曰不和則戰戰果有把握耶臣請詰之曰然則和果有把握耶

夫和果有把握從前反覆姑勿追論第自今歲北竄以來我之委曲順從不爲不至何以猖獗日甚可見諱戰求和和愈難成成則禍且不測謂戰必無把握何以前年李開芳林鳳翔等北犯凶燄數倍於洋人卒至片甲不返此無他當時一意於戰故有進無退今則一意於和故反勇爲怯也現在僧格林沁兵威已壯講求戰守振刷精神洋人頗知畏懼近日天津人民爭鬥之事洋人亦避其鋒鹽梟海盜有欲焚搶洋船者有跪求欽差總督願糾衆打仗者欽差總督不許故未敢擅動耳不得以偶經小挫遂謂津民不足用也請

飭桂良花沙納等勿專議和會同譚廷襄鼓舞兵民於文武屬吏紳士之中得如謝子澄其人者統率之懇懇購重賞隨宜設施並令附

近州邑廣募壯勇聽候調遣一面明降

諭旨大張撻伐順天直隸京官有願回籍團練者命設法辦理如此多方準備一狡且焉思逞僧格林沁大兵扼之於前各路鄉勇躡之於後加以洩水塞土諸法洋船欲進不能欲退不得而謂不足制其命者臣不信也聞英人謀主哩咽吠係廣東嘉應州人凶悍異常每至桂良花沙納公館凌辱咆哮臣不識桂良花沙納坐擁兵衛亦已不少何至畏一哩咽吠而不敢動曾被津民擒在欽差總督反爲之解圍擬請飭令設法捕獲立即梟示不必稽留訊解以免疏虞又聞廣東九十六鄉民風驍勇前年平紅頭賊皆賴其力洋人往搜軍器受傷而回又糾南海番禺兩縣令鄉民聲言洋人入我界者不論何人登時殺死遂不敢入二月羅惇衍龍元僖

蘇廷魁到彼團練已有數萬人至今曾否打仗無有捷報意者

朝廷未與主張耳抑羅惇衍等恐如黃琮竇璵之獲咎耶擬請

優旨作其銳氣尅日大舉惟黃宗漢稟承執政主和之議繞道遷延

請

飭速往會剿勿再徘徊觀望轉掣紳民之肘務使同心協力迅奏膚

功天津洋船聞之必有折回自救者而我截其海口歸路雖未必

聚而殲旃要非孟浪以僥倖也謀

國者曰一戰不勝奈何曰請添兵再戰戰有勝有敗若和則有敗無

勝矣曰勝之於此而報復於他處奈何勝之於今而報復於後日

奈何曰始終不忘戰而已矣犬羊之性但經懲創往往不敢報復

觀於道光年間臺灣失利惟有藉手者英以報達洪阿等而至今

不敢垂涎臺灣其無能亦可見矣自古兵凶戰危原非得已盡人

事以待天成敗利鈍雖諸葛亮不能逆睹謀國者動以事無把握

搖惑

聖斷間執人口沮喪士氣坐失事機其意直以望風乞降爲快抑又

何也比年各省用兵勝負無常得失互見諸臣何不以事無把握

爲慮而亟欲藥弓戢矢耶伏願

皇上通籌大局深顧後患知洋人所欲之難期鑿足念事勢之尚可

挽回左右親貴之言未必盡是大小臣工之策非盡無稽執政諸

臣請放洋船內駛者何人請允西官要脅者何人清夜思維或亦

自知狂謬祇緣畏罪怙非陽作執迷不悟

皇上不忍遽誅應請面加訓示俾各改心易慮收效桑榆否則難逃

常憲

嚴諭桂良花沙納譚廷襄等非分要求不得妄奏事至則戰無所依
違他如奕山之以黑龍江外五千餘里藉稱閒曠不候

諭旨拱手授人此尤寸磔不容蔽辜臣知

皇上之必有以處之也

訐謀既定

渙汗斯頒薄海憬然咸知

上意所在庶臣民之志固而洋人之風懾

夫討聿新操縱在我或遂戰之或終撫之再行臨機應變臣非不知

今所言者

皇上已厭聞之特以勢屬憂危情深迫切濡淚瀆陳伏乞

聖明洞鑒謹奏

按八年大沽之役桂相議撫其時在廷諸臣封章連上率多留中
不發此摺抄傳在外因備錄之其論和戰之利害可謂深切着明
矣和親之議倡於漢之婁敬其時樊噲請得十萬人橫行匈奴大
臣以爲可斬乃漢孝武卒用其計選兵命將窮追單于數萬里外
深入其庭雖勞民傷財而邊患因之稍息矣未何去非之論漢武
帝曰兵有所不必用固又有所必用古之人君有忘戰而惡兵其
敝也天下皆得以陵之故其勢蹙於弱而不能振匈奴之患起於
高帝之末馬后及惠文景因天下初定與民休息深持柔仁不拔
之德其於兵也固憚言而厭用之也然漢之於匈奴非深懲而大
治之其爲患也可勝言哉是以孝武抗其英特之氣選徒習騎擇

將命師先發而昌誅之師行十年斬刈殆盡名王貴人俘獲數百單于窮遁漠北遂收兩河之地而郡屬之刷四世之侵辱遺後嗣之安強至於宣元成哀之世單于頓顙臣順謁期聽臨令比於內諸侯雖曰勞師贖財而功烈之被遠矣使微孝武則漢之所以世被邊患其成役轉餉以憂累縣官者可得而預計哉乃昧者不知求夫天下之勢強弱之形而猥以其黷於兵與秦皇同日而譏之豈不痛哉按

國初龍興其時北部之尼堪外蘭及扈倫四部方貳於明世爲仇敵

太祖

太宗次第征之至於

聖祖平定噶爾丹則自黑龍江以西盡喀爾喀四部之地東西五千

里南北三千里凡蒙古游牧之區皆歸一統時與俄羅斯定邊界黑龍江之南岸盡屬中國乃歸我昔年侵地定市於喀爾喀東部之庫倫立石勒會議七條刑牲爲誓於是東北數千里化外不毛之地悉隸版圖迨乾隆間蕩平準部戡定回疆則西北窮塞之城極於天山蔥嶺計前後大小用兵數百戰餉需萬萬拓地之廣超軼前代此殆所謂刷數世之侵辱遺後嗣之安強者歟今之議撫者不過曰以息兵以安民也漢高帝白登一蹶遽議和親撫之不爲不速而高后及惠文景四世貽患安見與民休息之終收其效哉今且以明事論之明之倭患始於奸商侵尋及於豪貴朱紱下車首請窮治奸黨掃除內盜此爲拔本塞源之治若非諸貴家內結臺官佐其啓衅則倭寇可平其後海禁漸弛浙東再亂王忬普

陀山之捷張經王江涇之捷中樞蔽嫉中以蜚讒論者惜之胡宗憲牽制嚴趙未嘗不有意於撫然其賄斬徐海誘擒汪直是亦所謂千金用兵百金求間豈得以賞奸賄盜深文而致之哉其後俞大猷經營兩浙戚繼光驅馳閩海卒收其成而東南之患以息此非勦之成效歟萬歷間倭侵朝鮮朝廷發兵援之李如松平壤一捷生繫三倭廓清之功可旦夕俟徒以碧蹄輕進一篲功虧於是沈惟敬之款計復行顧養謙之封貢續請乃倭人朝受冊書夕羈鄰使澄山不退鴨綠潛窺而邢玠等奉政府處分猶以陽戰陰和陽勦陰撫密爲指授於是捷章連上虛級冒功直待關白貫亡惟敬棄市禍始稍息然則撫之無益可觀矣前之擾在南而勦收其效者將帥之得人也後之擾在北而撫卒無益者筦樞之失策也勦而後撫其庶幾諸葛武侯之於孟獲唐太宗之於頡利乎撫而後勦雖漢之文景不能得之於匈奴何況其他今之英吉利未必大於明之日本也其爲患於中國不如日本之久也然沙角之斃西兵者數百吳淞之斃西兵者數百定海之斃西兵者千餘是官兵之勦未嘗無成效也一創於粵東之三元里再創於廈門之陳姓三創於靖江之居民是鄉勇之勦未嘗无成效也乃自粵東議款以來在我則曰罷戰而議撫在彼則曰先戰而後商粵東就撫而擾於閩浙乍浦就撫而擾於吳淞撫之無益可觀也今參核前後比事屬詞而論之林文忠之燒烟其操切有似於朱紈然紈之議海禁先內而後外當其初至卽捕通倭者九十餘人立斬之於演武場予以此惜文忠之未能盡法以治洋商也義律馬利遜者

其明之徐海汪直乎天津不誅失幾一也粵東洋館不擒失幾二也三元里解圍而出失幾三也夫其罪十百於徐海汪直而其時擒之之易如釜中之魚几上之肉而交臂失之然則當日之斷斷焉持撫議者有能如胡宗憲之不激外禍不損國威深沈而速決者乎其輕訾之也若夫粵東之撫靖逆奏稱四月初八日之捷江浙之撫楊威奏稱鎮海定海之捷又從而保舉在事之文武員弁是又明之邢玠楊鎬輩虛級冒功張濂所謂罰罪之典移而爲賞功之令者今昔情形異代同揆可勝慨哉

中西紀事卷之二十三

江上蹇叟

管蠡一得道光二十九年

壬寅撫議定後海口撤防烟土弛禁外洋之寄居寧波上海者覬覦內地浸浸乎操入室之戈鄙人憂之撰爲私議六事上之陸制軍建瀛時淮南奏請改票姚寶甫觀察總其事謂鹽茶增稅將來可次第舉行以資軍實不意遂爲後日抽釐濫觴也海運自粵匪入江運道梗阻始試行之而戰艦水師之屬與其借資於外洋不如講求於內地爰將前議附入中西紀事之末而件繫之如左

申明烟禁

烟土之來自外洋流毒內地如癰疽之潰注瘟疫之傳染治之稍緩

則其害不可思議故林制使赴粵查辦以爲法必先杜其源而後及其流躉船之來烟之源也內地販烟之流也然所謂杜其源者亦當先疏其壅閼刷其淤澱驟而塞之則必有決隄壞防之患故先後緩急之序不可不審也予以爲法必先自治而後治人治人之法必詳於治內而略於攘外行軍之道亦然今以禁烟之時事言之國家承平二百餘年武備廢弛而尤莫甚於水師武備之廢弛今十七省之大惟閩粵二省有習火攻水戰之技者而皆在鄉勇不在水師汰水師之虛冗老弱補以鄉勇則月餉之入不足以贍其身家卽強之入伍亦仍循水師之故智而已未必能視死如歸不撓不挫也聚鄉勇之械鬥亡命以爲水師則必恩以結其心威以懾其志訓練之以使之就我紀律範我馳驅節制之以使之不擾地方不害良善而此

中之情形曲折非一兩日所能計議非一兩月所能團練不備豫於數年之前一旦禁烟令下遞取其躉船而燒毀之迫邊釁旣開而中國有坐以待斃之官兵無咄嗟可辦之水勇此外禁之宜緩者一也水師非但不可用而已凡外洋烟土之入口者必先給巡船水師土規而後聽其私售故水師生計得自月餉者十之一得自土規者十之九迨吏覺其奸則查船之門丁胥吏皆得而分潤之官覺其奸則查稅之幕友官親皆得而分潤之此數十年之積弊非一日所能剔以數十年不能剔之弊而欲行一日必行之法其能操券以俟乎必使水師皆爲我用不爲敵用則養兵籌餉不得不增船廠用財不得不泰此外禁之宜緩者二也烟之私售必與洋商爲表裏而洋商各貨之增抽積年之遺欠皆藉鴉片以上下其手故洋人兵船到中國

率以討烟價索商欠爲名其積恨已非一日今欲與之申明烟禁而積蠹不除養癰不治專責外洋不應以烟土入口何以平其心而懾其氣此外禁之宜緩者三也禁烟之令旣頒各省查辦吸煙販煙之犯纍纍案積無慮數萬起而推其究竟貴者以勢怙富者以賂免若其著名之審口則地方官之門印胥吏無非其深根蟠結之黨羽州縣所緝捕不過取游手之市井流落之優倡藉以避處分記大功而已是令不行於內而亟亟於攘外豈能令出必行操制勝之全算此外禁之宜緩者四也然則必備此四者而後申明烟禁則非數年不可數年之後流毒注天下矣是非內禁不可取而譬之煙之誘人猶嫖賭也今使主人居城市中車馬之往來商賈之輻湊有博廠焉有妓院焉主人之子弟狎而與之游若不先嚴禁其子弟而亟亟於攻

窩賭逐流娼將不勝其獄訟爭鬥之繁豈非無病而自灸乎又取而辟之煙之求售猶貨物也今使挾綺羅以干田舍之材莊操酒肉以陷深山之廟宇是何異示璞於周人而求馬於唐肆必無所得而歸矣故中土無可售之路則寶山有空手之回此內禁之不可不急者一也煙土旣行貪餌者嗜其味慕羶者利其財嗜其味者害及於身利其財者禍貽於國洋商包庇以爲內援審口把持以爲外應此爲漏卮之源故欲塞其源必始於內地而其法必先行於洋商當少翁赴粵查辦時只須查明在粵之奸商與躉船審口相勾結者照吸販新例梟數商之首懸之國門洋人卽皆股栗抱頭而遠竄矣此內禁之不可不急者二也關吏水師無非漢奸皆不利於烟土之禁必欲破其局而後已聞虎門失守時水勇奉提督令開礮無不雜以沙土

卒至於敗而當攻城事急王廉訪謂被圍不解遲之數日必有爲內應而開門迎敵者若使當日查辦之時擇其尤者而盡法懲之足以斷敵人之右臂而先奪其心明之朱執決通倭者九十餘人倭寇聞風而遁具有成效此內禁之不可不急者三也新例旣頒擬斬則必斬擬絞則必絞官幕則吸者加等軍民則販者立決如是則誰敢蹈必然之死而僥幸於一試哉日本安南皆因鴉片而絕西洋之通市其國中有吸食者事覺縛而懸之高竿上以飛礮擊而死蓋法令旣嚴則弊端自戢此內禁之不可不急者四也夫外禁之急旣已失之於前內禁雖緩猶可挽之於後當粵東議撫外洋悉出具永不售賣烟土甘結是內禁之未弛可知乃自白門定約諸大吏有喙三尺竟置此款於不議則是旣弛其禁復免其征自此偷漏公行於

國課無絲毫之增而民生受無量之害不識後此之當事何以處之據澳門月報言粵中燒烟之時該國人亦自知非正經貿易中國若以此與國主講論定肯停止卽印度栽種波畢之事亦可改種別物以求利益又有人言情願禁止鴉片一物另開南邊一港可乎我恐未必能行等語是則當日查辦之時若先行文該國主令將躉船烟土撤回未必肯遵惟有暫事羈留聲明義律違抗之由請其國主另簡公使領事人等來粵商辦一面示以裁減陋規更定貿易條款抑或酌開閩浙二港之一以利通商似此制撫兼施則烟土未必不可禁邊禍未必不可弭然制使斷然不爲者蓋慮其有褻國體而詎料異日之舉每况而愈下哉

防禦內河

自古言南人利舟楫而以今日沿承平之積習不特操江之防廢弛已久卽閩粵水師亦有名無實也東南之患日甚一日非講求水師不足以禦外洋而船與礮二者又外洋之長技加以來往洋面熟於風信察於潮汐之衰旺誠所謂操舟若神善游而忘水者矣中國水師與之爭鋒海上卽使招募洋工仿其制作而茫茫大海無從把握亦望洋而歎耳然則欲以禦敵將何道之從曰漢鼂錯有言匈奴之長技三中國之長技五帝王之道必出於萬全則避其所長而攻其所短大洋之外猶平原也今與敵戰於平原必引而致之陜隘之地兵法所謂避之於易邀之於阨者是也寇之爭利必於內河然其道里之遠近山川之紆曲弗悉也沙礁之有無淤墊之深淺未知也當其豕突而來本欲以致人之計邀我於海上以逞其長斯時我第嚴

其在內之防畫地而守之敵不得與我戰乘其所之雖深入不足懼何況其未敢輕試耶故禦敵者善戰不如善堵堵則船欲小而不欲大水勇貴少而不貴多礮務近而不務遠如是則其器易精其行易速其伺敵之進退也專攻其首尾出於其所不及防然後引之於淺水邀之於半渡彼洋船無論大小向之乘風破浪翱翔於巨浸中者一旦局促旁皇前則有鳥起之驚而後則有狼顧之慮此殆如東海之鼈入井坎中左足未入而右膝已繫能無一戰而蹶耶今專修內河之戰船宜多取其式之小者而每十號統以一中艘每數十號統以一大艘分布於港汊間軍火器械一一安排戒勿輕動彼洋舟欲入口門必先載其杉板小船探水而進我預於口門內排列椿筏又擇淤淺之區囊沙填石壅其上游探水者度不可行必將設法疏起

然後港汊間之船鼓棹疾趨礮彈齊發沈之燒之皆易事矣昔吳人於江積要害之處橫以鐵鑊又作鐵椎長丈餘暗置江中以逆拒舟艦王濬一舉而破之論者謂其以人力設險不能以人力守之卒至於敗今內河防禦之船不過木石敵之破也易於椎鑊而以人力守之則雖一芥未易移矣王廉訪言西兵入省河見我所載石沈船之處無一兵一將是以放心前進此不守之明證也曰然則其舍舟而登岸奈何曰此自有陸軍任之於水師無涉也敵之將至必先下一令曰洋船在口門外我水師聞礮聲遠震毋得離船一步違者以軍法從事又下一令曰當洋船未進號旗未舉水師毋得輕進一步違者以軍法從事故陸軍之勝負水師弗聞若賊兵登岸得勝必將挾舟以爲後繼之師我水師能以靜制動可以轉危爲安易敗爲勝安可自棄其所守越畔相從一旦相率而潰不亦人船兩

失耶兵法曰令不進而進雖勝必殺不可不知也明太祖在鄱湖以小船破陳友諒之大船此其往事而

國初平臺灣靖海侯施琅請以戰艦三百配水師二萬自出澎湖計每舟不過六七十人而以五艘破其一艘賊船雖大環而攻之面面受敵無能爲也李忠毅公平艇匪亦止造大船三十號名曰霆船而足領兵船數百其又大者不過將領之坐船而已此皆出海追賊不全在內河防禦者然則內河之船誠無取其高大也安南之軋船梭船每船配水兵不過二三十人自稱製造之費不四百金近年有購買外洋船礮之議原奏具見二十一卷中據赫德亦稱大船不利行駛若用小火輪船千餘號益以精利鎗礮其費不過數十萬云云是中外價值大略相同每船數百金其大率也其屢破英人皆誘入內河而創之此守內河之成效也明屠仲律奏防倭之法曰守平陽港拒黃花澳遏三江之口則不得窺甯紹扼甌

子門則不得近杭州防吳淞江備劉家河則不得掩蘇松嘉興貴江南守令以訓練土兵保全境內而考其殿最此防守內河之地利也明史謂倭人長於陸戰劉玉坡十可慮奏中夸張英人之陸戰更善於水戰姑無論其耳食之言之未可信而西人航海遠來水手航工輜重器械其於船也猶民人之有家室軍行之有營壘盜賊之有窩國爲其貨財贓物之所歸宿且營兵出隊尙須留其二三成以守老營何況外洋之船固其身家性命之所寄即使舍舟登岸而以彼則攻以我則守攻者既不能得其十之五之之勢則守者固自有餘何況我軍水陸之防交相牽綴故洋船不得入口即其登岸之兵得城郭而踞之亦無能爲兵法曰軍爭爲利衆爭爲危舉軍而爭利則不及舍軍而爭利則輜重捐今洋船未得泊所而亟亟於爭利此蹶將

之道也吾未見其陸戰之足以操勝算也是故以水師禦水師以我水師之所長攻其水師之所短此爲事半功倍議卑而易行者此十年前之論自長江開商外洋無論大小船隻深入內地山川道里險要形勢靡不周知無論中國戰船未能制勝即使購買外洋船礮亦豈能過之故洋艘之入長江爲通商之一大變局

閩粵戰艦

閩粵二省水勇夙稱東南第一然易募者兵難得者船今粵東水師船隻不過巡緝郵遞之需匪但不能爭鋒海上即在口門內外遇走私之快蟹扒龍亦遠避不敢盤詰以彼有備而我無備也欲募水勇先治戰船然船之難有二制造不能如式則演駕難期得力一也制造如式演駕得力而有用之時有不用之時當其初成而用足以收其效及洋船去而烽燧息寘之海口風日燥烈潮汐衝盪一旦有事

用之如琴瑟之張而不彈其弦索安得不朽刀劍之藏而不用其芒刃安能不鈍李忠毅公謂海賊無兩載不修之船亦無一年不壞之槓料桅柁折則船爲虛器風篷爛則寸步難行彼用之尚且如是何況不用邪卽以目前言英人就撫之後亦曾奏請以捐輸之餘作爲船廠經費而官吏侵漁工匠草率偷減不及十年皆爲竹頭木屑數十萬之欸遂付東流故此二者不可不預籌也恭讀

成廟前諭靖逆將軍言安南戰船旣據該將軍查訪形式俟抵粵卽趕緊仿造如該省業已製造卽著派員演駕藉資得力等因查嘉慶間艇匪之亂實始安南阮光平父子招聚沿海亡命資以兵船爲患於閩浙間藉收其利奉天朝詰責適舊阮復國受封檣送艇盜而其餘孽遂爲蔡牽所併李忠毅提督閩中慨然以平賊自任卒殞其身後爲忠毅之舊將王得祿郝良功所滅而其餘黨之在粵者相國百齡勦撫兼施遂奏盪平是則安南之船閩粵人皆能仿造卽招募安南人爲之彼與英人世仇亦肯効力故道光二十一年有安南商人自稱彼國善造船廠請中國行文該國主必肯效順此見於奏案者又上溯

國初平鄭氏亦曾借助於荷蘭之夾板船是則外邦輸誠願効指臂此固數百年之利何惜此數千里招募之勞數十萬製造之費哉夫攻其所短必先師其所長今議堵禦內河則宜多仿其軋船梭船爲形式之較小者而每十號統以一中艘每二十五號統以一大艘此爲中率小者價值以每艘五百金爲率中艘倍之大艘爲將領之坐船應十倍中艘今以戰船百艘計之小者價計五萬金中艘統以十

之一價倍小艘則一萬金大艘價十倍中艘統以二十五之一則四萬金是費十萬而一百十四號之戰艦成矣又以水勇計之小艘六十人中艘百人大艘一百六十人加以舵工水手炊爨雜作及隨船小修之工匠並書識醫生之等約戰船百號足配水師一萬今粵中水師額五萬閩中額四萬則以人數計之粵可得戰艦五百號閩可得戰艦四百號是閩粵相連之地各海口有戰船幾及一千豈不足以橫行於內洋而禦外來之奸暴乎夫有水師而無戰艘是猶有農夫而無田器有織婦而無機具也農夫無田器竭其操作之力不過肩摩車擊而已其於耕芸則荒矣織婦無機具殫其晝夜之勤不過中饋井臼而已其於紡績則荒矣今閩粵有水師而不修戰具與無船同有水師而不習水戰卽予以外洋之兵船而不克善其用亦與

不用同故旣治戰艦卽須練水師今閩粵之水師汰其虛冗老弱何止一半而其中精壯嫻習技藝者亦非額餉所能贍其身家計惟有汰兵不汰餉而以其所汰益其所擇俾精壯嫻習技藝者可得雙餉其有謀勇兼全者仍優給之如是則以水師九萬之額餉養其三四萬然後配以戰艦而隨時訓練之其所汰之兵則招募閩粵兩省之水勇以補其額使其與在官之水師互相角較優其或倍或三之餉而配以戰艦則在官之水師必恥居其右而爭獻其長悉爲勁旅矣且水師能贍其身家不至貪土規之利水勇悉收爲我用足以消內地之奸是一舉而兩得也惟招募水勇之資必須額外另籌而當沿海無事之時散其水勇必至并船而棄之若卽以此充所汰水師之缺額豈不又歲增數百萬之餉經費浩繁其何以堪議以此等客勇

戰艦有事備官調遣給月餉如水師之數無事許其作為商船攬載貨物而仿司馬之法每戰船按五號立一伍長二十五號立一兩長百號立一卒長船自官給不需費本令其寫立承管字據而伍兩卒長等皆選殷實之舵工充之

外洋司舵者稱船長西語謂之甲必丹仍每月給以水師之優餉而兩長倍之卒長又倍之如此則四五百號之戰船歲增額餉不過水師之百餘名而船有典守之責矣小修自認大修報官驗明估給價值其船上之勇既載貨物不須多名聽其裁汰一經調遣亦責成招募以符原額是此輩殷實之舵工不需製船又得官餉焉有不踴躍樂從者抑亦古者寓兵於農之遺意歟蓋出洋之船必預防盜賊故軍械礮位全備與兵船無甚區別李忠毅平艇匪凡官運鹽船及商船皆配兵巡護是戰船攬載貨物稍稍更張便可作商船用

也夫沿海無事之秋粵有水師二萬閩有水師一萬豈不足以備巡緝資哨探若擇而用之即汰舊額三分之二未為不可兵無選擇曰北未聞其以衆勝也訓練士卒少則愈精綜核名實約而可守二十一年之役粵中調客兵萬有七千不及本省額兵四分之一然則粵中水陸之兵七萬雖多亦奚以為哉

江浙衛兵

請言江浙越之強也伍子胥懼其與我爭三江五湖之利魏之入荊州也吳張昭以為長江之險與我共之古人之謀國憂深而慮遠今英人由浙入江長驅於江甯京口間異日爭之共之其可不備不虞乎津東者畿輔之拱衛合八旗蒙古及西北之勁旅足以夷關折人而絕之若閩粵則人民勁悍水勇精強集其鄉民之團練亦足以符

自爲戰家自爲守惟西人北侵不利南伐無功則將擇其可欺者而欺之東南民風素弱民氣易浮一旦豕突而來倉卒不及備可若何然則何以備之曰昔之衛所以設兵也今之衛所以運糧也其千總守備等官皆隸於漕運總督下領運而已與營弁之千守名同而實異者也今江蘇之蘇松常鎮太倉淮揚等衛浙江之杭嘉及甯紹溫台等衛此皆有沿海濱海之州縣者議每衛造戰船五十號其距海逼近之松江太倉嘉興甯波等衛倍之如此可得戰艦千號而轄之以守備千總等官其守備千總由提督挑選素習水師之武弁咨送督撫漕督以充衛職每年冬漕起運分其半領運赴津而留其半以防海口更番遞代皆資幫費以爲辦公之需是此等水師武弁之經費無假外籌矣然後徐議水師計戰船千號應配水師十萬前議閩

粵戰船當沿海無事之日以一半作爲商船者施之於江浙腹內之地則出洋路遠徵調爲難且江浙商船憚於出洋攬載未便今議募水師五萬以爲各衛之額兵而以一艦所配之水師作爲兩艦更番之操演無事之日船有專司兵無虛糜及其有事轉相召募刻期可待况各衛之兵可分可合徵調之多寡視其時事之緩急一方告警羽檄飛馳遠者不踰千里近則數百里百十里不等不及二旬千艘雲集豈不足操勝算哉然則此水師五萬之額餉從何而出曰定制江蘇綠營兵五萬有奇浙近四萬若汰其虛冗老弱則江蘇之督撫提鎮河漕六標有二萬人足矣督標四千提鎮標各五千撫河漕三標各二千浙之撫標四千提鎮標各六千則一萬六千人足矣蓋江浙沿海增設衛兵足敷有事之調遣議裁汰綠營兵五萬餘而以各

衛水師補其缺額則其得力何止四萬五萬之倍數哉江浙綠營非
閩粵水師之比不需增餉惟各衛添設之水師須募客勇浙則資之
於閩江則資之於閩浙連界及寧波溫台等處如此非雙餉不足以
贍其身家而枕工隊長人等皆須增益計各衛水師額兵五萬即需
舊額十萬之餉如是則歲增額餉近二百萬查南漕需費共計五百
餘萬若清其旂丁武弁之乾沒者則樽節一成便可得五十餘萬三
成上下即衛兵之餉可集也

國家經費有常出入相權損益相劑然後便宜之舉可行何況兵食
大計尤當雜於利害而籌之固未可因仍苟且以貽異日之患也

海運利漕

改江浙沿海之衛所增兵造船以防外寇此目前內地最急之務至

於籌款一事不但需費可裁汰也即漕運亦可變通今東南漕弊莫
甚於江浙然實自衛所啓之旂丁空運預索官缺官未開倉先籌墊
款胥儉因緣串單抵押賣絲羅穀糶肉補創一也本爲重賦之邦益
以苛政之猛浮加勒折民不堪命有三山賤賣無產謀生二也蠹紳包
攬希冀分肥控官控吏鬧堂鬧倉巨室犯科大獄斯起三也身隸衛
籍即係旂丁告軍妄扳修船勒派富民重足殷戶寒心四也然則裁
衛所正以肅漕政而旂丁強取官吏世禳征無不以費藉口則非變
通漕運不可也江浙等省之漕莫便於海運元之一代行之明始開
會通河其後河道屢決漕運艱阻崇禎間沈廷揚在太學上書力言
海運可復因召見言元代海運從太倉劉家河放洋計半月可抵天
津雖風波之險不無損失先臣鄒濬疏云元史歷年運到米穀除所損

失費用尙省於內運等語因上海運筆百五卷帝令試行之詔漕撫付米二萬石廷揚遂統運由淮河出口計七晝夜抵天津帝喜加廷揚戶部郎中往登州與巡撫徐人龍計度先是寧遠軍餉由登州運至天津由天津運至寧遠歲以爲常廷揚以爲日久費增不如從登州泛洋直赴寧遠詔從其議省費甚多尋命赴淮安經理海運爲漕撫朱大典所阻不果行未幾甲申之難作此明一代之主海運者試行有成效也

國朝道光初年高堰決口漕運阻滯時相國英和在戶部議行海運廷臣以爲不便而相國方枋政有門下時任戶部主事某者力爭海運議是廷臣嘿然皆扭於舊章實無定見也踰年相國以萬年吉地事獲罪論遣而海運方試行一年當事者悉聽任領運官

草率歲事經費不減其議遂罷涇縣包世臣時在京都亦頗持海運之議其言崇明沙船自上海赴關東皆空載去及自關東運貨回南方爲正載議以蘇松太倉一帶之漕分配崇明沙船運至天津交卸

語頗詳核

此議後竟行之係咸豐三年以後事

然予以爲此亦試行之策非久遠之策也

久遠之策必須製造海船明沈五梅侍郎方奏行海運時戶臣以另造船隻召募水手未易猝辦莫敢有任之者莊烈詔公自行辦理咄嗟而成雖二萬之米爲數不多而成效可睹後增至二十萬石督運七年略無損失是則聚訟盈廷謀同築室沈機運算功在反掌碌碌者流可與樂成難與圖始矣今欲改東南之漕運悉爲海運先就江浙沿海之區便宜試行如其功倍費少具有成效再議推廣自壬寅撫局既定五口通商航海數萬里不特外洋驗風識水視爲萬全卽

內地商人亦如駕輕車而就熟路其有牟利而趨浙東者皆自上海搭載海船由定海洋面駛入寧波可以省盤壩之煩避大關之稅是以目前而論製造運船召募水手較之沈侍郎當日創行尤有把握而一二迂儒文吏以爲不測之淵者是坐井而觀天入坎而語海也今江浙兩省之漕議歸海運則宜於上海寧波二處分造運船畫錢塘江爲界江以西之杭嘉湖等府與江蘇之蘇松太倉等府州並在寧波配上海配運由吳淞口放洋江以東之寧紹溫台處等府並在寧波配運由鎮海放洋如此則浙東之漕自可征收本色而運船在寧波上兌則各州縣之解送亦便如此則兩省之漕但申報起運日期載明漕斛石數雇用內河船隻派員協同丁役送至海口交兌而一切旂丁衛船皆可置之不議卽幫費亦無可藉口矣更就東南六省之漕

統計之查沈侍郎之督運也實由廟灣出口其地在海州之下游運船自淮入河自河入海須由廟灣出口與東省膠州之北岸相對若欲盡復東南之海運則湖廣江西安徽及江蘇之江寧鎮江揚州皆運至淮上交卸卽於通州海州一帶分造海船以備配運如此則東南六省之漕皆可由海道暢行較之內運事捷而費輕且一舉而漕弊絕丁蠹除官累疏然後裁減幫費酌留數成以爲衛所增兵造船之用則州縣之浮收勒折者無可藉口而民困亦可少蘇抑亦國計民生之先務也惟旂丁累世之利一朝而失之能無缺望故欲停內運必先變通衛制使失業之旂丁其精壯驍健者皆可以備衛兵之召募給之優餉訓練歸伍又藉以資海口之押送是又衛兵海運相爲表裏者矣

按此議在內運未停之前而是時豐工決口已有改行海運之議其後粵匪入江運道梗塞南糧改折易銀解部行之已十餘年中間采

米運津大半由上海籌辦試行海運或附崇明沙船或招海商販運於是十年換約之後遂有俄人請令咪國商人與中國粵商領價采辦當奉 廷寄江蘇撫臣諭以招商運津無論華洋一體販運毋須與洋人預行照會等因具詳卷二十中是中國試行海運至今尙未造船此後粵賊既平南糧征收本色應否循照內運舊章中外諸臣尙無定議而海運造船一節似亦有備無患之一端也

鹽茶裕課

國家財賦之入自地丁外則鹽課其最也然五百七十餘萬之歲額其漏卮爲不少矣而漏卮之由則起於區官私嚴界域商人運鹽有官費有岸費有改捆之費有批驗之費則鹺價不得不增而軍民利於食賤梟取巧於乘瑕於是竈私有船私有本商夾帶之私有鄰近灌注之私私鹽日充則官課日絀淮浙官鹽課居直省之半而淮私多灌於南犬牙相錯之區譏之非易而當日分疆畫界亦未能熟悉情形卽江西一省論之饒郡七屬地連鄱湖爲長江入口之處定制與省城並食淮鹽而樂平浮梁等縣實接壤於專食浙鹽之安徽所轄祁門婺源等處以視長江上游遠隔一千數百里之淮鹽官私之價高下懸殊至於廣信一府定制專食浙鹽至饒之安仁與信之貴溪連界淮浙兩分官私莫別僅於安仁城外十里之石港設卡以議淮浙之出入而私鹽之灌入於江界者並聞鹽亦自此偷漏矣由撫建灌入安仁之鄧家埠浙私既灌於淮閩私又灌於淮浙之間而自省以南粵私又灌之是治絲而棼之也道光年間戶臣有竈煎竈賣民運民銷之議其後陶文毅總督兩江奏行票鹽於淮北民多便之予以爲鹽之便民與米業布帛等若使不分官私不限界域設立關卡毋復拘以定額則其課必有數倍於前者欲裕國便民無踰於此更有進者鹽茶並設提舉前代具有成法足以相輔而行今國家歲徵茶課七

萬三千兩有奇財賦之入此爲最輕自海禁大開茶葉之出口歲益加增戶臣關督習焉不察據外洋月報道光十三四年間花旗會銷過茶葉一千八百餘萬磅以每磅十二兩計之則十四五萬石之數此五港未開以前粵東一口之銷數亦僅花旗一國之銷數也又月報言近年中國出口之茶多至七千餘萬磅則五十餘萬石然亦非其旺盛時蓋皆在壬寅以前也徽商歲至粵東以茶商致富者不少而自五口既開則六縣之民無不家家蓄艾戶戶當壚贏者既操三倍之賈絀者亦集衆賸之裘較之壬寅以前何翅倍蓰耶查英人稅餉自鴉片外卽莫重於茶葉每磅征三錢七分五釐計一箱積一百三十四磅則每石征稅核之成本蓋倍之矣然則中國征其十之一未爲過也以近年而論每歲出口之茶在百萬箱上下卽可得四

千萬之數

茶價低昂率算約在二十四兩之間其極貴者以五十兩爲準

若歲征其十之一便與直省關

稅一年之額不遠

直省關稅其五百四十餘萬

豈非生財之一策哉且中國商人得

其交易之費可以易貨亦可以易銀

近日常洋煙土專收元寶不肯易貨則茶葉正可仿行之

誠使鹽

無官私無界限則茶商之赴滬者可以轉輸浙運其赴閩粵赴者又可以轉輸閩粵之運江楚之間不但貿易流通抑且釐價平減所謂通工易事懋遷有無者此也夫以通商之銀量爲防敵之用者正在今日鹽茶互易誠得一二能吏酌定章程各關分設鹽茶提舉協同監督經理其事每歲終考其徵收之贏絀以爲殿最若使鹽茶二法相輔而行則二三千萬之欸可以操勝而俟又何藉乎勸捐開例之瑣瑣哉夫宏羊言利誠昔人之所鄙然以今日國庫不充軍需支絀因時制宜亦當取其大者遠者籌之請以此爲謀國者借前箸焉

